

არასამეწარმეო (არაკომერციული) იურიდიული პირი
ქალაქ ქუთაისის ბაგა-ბაღების გაერთიანება

გამარტივებული ელექტრონული ტენდერის საშუალებით
ფინანსური აუდიტორული მომსახურების შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების საფუძველზე.

ს ა რ ზ ე ვ ი

1. ტექნიკური დავალება-----	3
2. პრეტენდენტის მიერ ტექნიკური დოკუმენტაციის სახით სისტემაში ასატვირთი დოკუმენტები და ინფორმაცია-----	5
3. სახელმწიფო შესყიდვის შესახებ ხელშეკრულების პროექტი-----	6
4. დამატებითი ინფორმაცია-----	10
5. დანართი N1 რეკვიზიტები-----	11
6. დანართი N2 ფასების ცხრილი-----	12

1. ტექნიკური დავალები:

გამარჯვებულმა პრეტენდენტმა უნდა უზრუნველყოს შემდეგი სახის აუდიტორული მომსახურება და იგი უნდა აკმაყოფილებდეს შემდეგ აუცილებელ მოთხოვნებს

1 2014 წლის ფინანსური აუდიტი, შემდეგი ამოცანები:

- 1.1 ფულადი საშუალებებისა და მათი ექვივალენტების აუდიტი;
- 1.2 ძირითად საშუალებებთან დაკავშირებულ ოპერაციათა აუდიტი;
- 1.3 სასაქონლო-მატერიალური მარაგების აუდიტი - მიღება, შეფასება, გასვლა, გადაფასება და მასთან დაკავშირებული ოპერაციების ანალიზი.
- 1.4 დებიტორული დავალიანების აუდიტი - მოთხოვნის ფორმირების დოკუმენტალური შემოწმება;
- 1.5 კრედიტორული დავალიანების აუდიტი - კრედიტორული დავალიანების წარმოშობისა და წარმოქმნილი ვალდებულების დაფარვის დოკუმენტების სისწორის შემოწმება;
- 1.6 შემოსავლების აუდიტი - მოიცავს დამატებითი შემოსავლების (თანადაფინანსებები და სხვ.) ბუღალტრულ აღრიცხვასა და ანგარიშგებებში ასახვის სისწორის შემოწმება.
- 1.7 დანახარჯების აუდიტი, მათ შორის კვების დანახარჯების სისწორის გაანგარიშება და ბუღალტრულ აღრიცხვაში ასახვა;
- 1.8 ბიუჯეტიდან მიღებული სუბსიდიების ანალიზი, დოკუმენტალური სისწორის შემოწმება და ბუღალტრულ აღრიცხვაში ასახვა;
- 1.9 ფინანსური შედეგების აუდიტი;
- 1.10 ბუღალტრული აღრიცხვისა და ანგარიშგების ორგანიზაციისა და მდგომარეობის აუდიტი;
- 1.11 ბიუჯეტის დაფინანსებაზე მყოფი ორგანიზაციების ბუღალტრული წლიური ანგარიშგების ფორმების სისწორის შემოწმება.
- 1.12 განხორციელებული სახელმწიფო შესყიდვის „სახელმწიფო შესყიდვების შესახებ“ კანონთან შესაბამისობის სისწორის დადგენა.

2. 2014 წლის საგადასახადო ანგარიშგების აუდიტი, შემდეგი ამოცანები:

- 2.1 გადასახადების აღრიცხვისა და დეკლარირების სისწორის დადგენა;
- 2.2 საქართველოს საგადასახადო კოდექსის მოთხოვნათა მიმოხილვა და შესაბამისობის სისწორის დადგენა;

საგადასახადო აუდიტორული დასკვა მოიცავს შემდეგ გადასახადებს:

- მოგების გადასახადი;
- გადახდის წყაროსთან დასაკავებელი საშემოსავლო გადასახადი;
- ქონების გადასახადი;
- მიწის გადასახადი;
- სხვა მოქმედი გადასახადები.

მიმოხილვა მოიცავს შემდეგ პროცედურებს:

- გადასახადის დასაბეგრი ბაზის მიმოხილვა;
 - გადასახადის გაანგარიშების სისწორის შემოწმება;
 - საგადასახადო შეღავათების გამოყენების სისწორის შემოწმება;
 - რეკომენდაციებისა და რჩევების მიცემა (საჭიროების შემთხვევაში) წერილობითი ფორმით;
3. ძირითადი საშუალებების, მცირეფასიანი ინვენტარის (მათ შორის ხარჯებში ჩამოწერილისა და საცნობარო მუხლებში ასახულის) და სასაქონლო მატერიალური მარაგების 2014 წლის საინვენტარიზაციო დოკუმენტაციის შემოწმება.

4. ზედმეტად აღმოჩენილი ძირითადი საშუალებების, მცირეფასიანი ინვენტარის (მათ შორის ხარჯებში ჩამოწერილისა და საცნობარო მუხლებში ასახულის) საბაზრო ფასით შეფასება და შემოსავალში ასაყვანად შესაბამისი დოკუმენტაციის მომზადება.
5. მარაგებში ასახული ლითონის ჯარტის ღირებულების შეფასება 2015 წლის 1 იანვრის მდგომარეობით და წერილობითი რეკომენდაციების გაწევა აღნიშნული ჯარტის აუქციონის წესით რეალიზაციის ოპერაციების ირგვლივ.

2.2. აუცილებელი მოთხოვნები ტენდერში მონაწილეთათვის:

2.2. როგორც ფიზიკური ასევე იურიდიული პირებისათვის:

იურიდიული პირის შემთხვევაში პრეტენდენტს:

* უნდა გააჩნდეს სახელმწიფო აუდიტის სამსახურის შესახებ საქართველოს კანონით განსაზღვრული საჯარო სექტორში აუდიტორული მომსახურების გაწევის უფლების დამადასტურებელი მოქმედი სერთიფიკატი, გაცემული ხელმძღვანელზე ან მის თანამშრომელზე. (თანამშრომლის შემთხვევაში სავალდებულოა თანამშრომელთან გაფორმებული შრომით ხელშეკრულება);

ფიზიკური პირის შემთხვევაში პრეტენდენტს:

* უნდა გააჩნდეს სახელმწიფო აუდიტის სამსახურის შესახებ საქართველოს კანონით განსაზღვრული საჯარო სექტორში აუდიტორული მომსახურების გაწევის უფლების დამადასტურებელი მოქმედი სერთიფიკატი.

2.3 მომსახურება უნდა განხორციელდეს მოცემულ სფეროში მოქმედი საქართველოს კანონმდებლობის, მათ შორის აუდიტორული სტანდარტების, აუდიტორული ეთიკის კოდექსის მოთხოვნების, დებულებების და ნორმატიული აქტების შესაბამისად.

2.4 ტენდერში გამარჯვებულმა სამუშაოები უნდა დაამთავროს 2015 წლის 15 მარტამდე.

3. პრეტენდენტის მიერ ტექნიკური დოკუმენტაციის სახით სისტემაში ასატვირთი დოკუმენტები და ინფორმაცია.

3.1 რეკვიზიტები დანართი №1-ის შესაბამისად

3.2 ფასების ცხრილი დანართი №2-ის შესაბამისად. (ტექნიკური დავალების წინებით)

3.3. საქართველოს კანონის სახელმწიფო აუდიტის სამსახურის შესახებ საქართველოს კანონით განსაზღვრული საჯარო სექტორში აუდიტორული მომსახურების გაწევის უფლების დამადასტურებელი სერთიფიკატი.

3.4. იურიდიული პირის შემთხვევაში შესაბამისი სერთიფიკატის მქონე პირთან გაფორმებული შრომითი ხელშეკრულება.

ქ. ქუთაისი

2015 წ.

ერთის მხრივ ქალაქ ქუთაისის ბაგა-ბაღების გაერთიანება (შემდგომში „შემსყიდველი“) წარმოდგენილის მისი დირექტორის მოვალეობის შემსრულებლის ნანა ლორთქიფანიძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, № _____ გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის შემსყიდველს საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს. ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების ობიექტი;
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

- 2.1 ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში, რომელიც ხელშეკრულებას ახლავს დანართის სახით და წარმოადგენს მის განუყოფელ ნაწილს.
- 2.2 ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში.
- 2.3 კლასიფიკატორის კოდი – 79212100

3. ხელშეკრულების ღირებულება

- 3.1 შესასრულებელი მომსახურების ჯამური ღირებულება შეადგენს _____ ლარს.
- 3.2 ხელშეკრულების საერთო ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. სტანდარტები

- 4.1 ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს.

5. ხელშეკრულების შესრულების კონტროლი

- 5.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.
- 5.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების და წუნდების მიზეზების მითითებით;
- 5.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით;

6. მომსახურების გაწევის პირობები

6.1 მომსახურების გაწევა განხორციელდება მიმწოდებლის ტექნიკურ დავალებაში ასახული პირობების შესაბამისად.

6.2 ხელშეკრულების დამდებ არც ერთ მხარეს არა აქვს უფლება შეიტანოს მომსახურების პირობებში ცვლილებები მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარების წესი

7.1. „შემსყიდველი“ გაწეული მომსახურების მიღებას მოახდენს 2015 წლის 15 მარტამდე;

7.2 მიმწოდებლის მიერ გაწეული მომსახურება მიღებულად ჩაითვლება მხოლოდ მომსახურების ფაქტიური დადასტურების შემდეგ.

7.3 ფაქტიურად გაწეული მომსახურების დამტკიცებას ახორციელებს ააიპ ქალაქ ქუთაისის ბაგა-ბაღების გაერთიანების დირექტორი.

8. გარანტია

8.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

9. ანგარიშსწორება

9.1. ანგარიშსწორება განხორციელდება მიმწოდებლის წერილობითი მომართვის საფუძველზე;

9.2 მიმწოდებლის წერილობით მომართვას ანგარიშსწორების თაობაზე უნდა დაერთოს:

ა) ფაქტიურად გაწეული მომსახურების მოცულობა და ღირებულება

ბ) მიმწოდებლის დამატებული ღირებულების გადასახადის გადამხდელად რეგისტრაციის შემთხვევაში გაწეული მომსახურების შესაბამისად ამოწერილი ანგარიშ-ფაქტურა;

9.3. გაწეული მომსახურების ანგარიშსწორება მიმწოდებელთან განხორციელდება უნაღდო ანგარიშსწორებით, ლარებში.

9.4 ანგარიშსწორება განხორციელდება გაწეული მომსახურების დადასტურებიდან 10 (ათი) კალენდარული დღის განმავლობაში.

10. ფასები

10.1 შემსყიდველის მიერ ხელშეკრულებაში მითითებული ფასი არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასს.

10.2 ხელშეკრულების ღირებულების პარამეტრის შეცვლა ხელშეკრულების მოქმედების მთელი პერიოდის განმავლობაში დაუშვებელია, თუკი ამ ცვლილების შედეგად იზრდება ხელშეკრულების ჯამური ღირებულება ან შემსყიდველისათვის უარესდება ხელშეკრულების პირობები. გარდა იმ შემთხვევისა, თუკი ხელშეკრულების შესრულების პროცესში დადგინდა, რომ მასში გათვალისწინებული პირობები არ აკმაყოფილებს თანამედროვე პროგრესულ მოთხოვნებს და ორივე მხარემ გამოთქვა თანხმობა და სურვილი შეიტანონ სათანადო შესწორება ხელშეკრულების პირობებში.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები;

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. სუბკონტრაქტორები

13.1 ამ ხელშეკრულების ფარგლებში დასადები ყველა სუბკონტრაქტი უნდა გაფორმდეს მიმწოდებლის სატენდერო წინადადებაში მითითებული მონაცემების მიხედვით.

13.2 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

13.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

13.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. მხარეთა უფლება-მოვალეობები

15.1. შემსყიდველი უფლებამოსილია:

– გასაწვეი მომსახურების დასრულებამდე ნებისმიერ დროს მოითხოვოს მიმწოდებლისგან მისთვის საჭირო ინფორმაცია

15.2 შემსყიდველი ვალდებულია:

– უზრუნველყოს მიმწოდებლის მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით.

15.3 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

15.4 მიმწოდებელი ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

16. პირგასამტებლო ხელშეკრულების პირობების შეუსრულებლობისათვის

16.1 დაუძლეველი ძალის გარდა მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები:

– ხელშეკრულების თვითნებურად შეწყვეტის შემთხვევაში მიმწოდებელი გადაიხდის 1000 (ათას) ლარს;

16.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე შეუსრულებელი მომსახურების ჯამური ღირებულების 0.1%-ს.

16.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება;

16.4 ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას ფაქტიურად გაწეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში;

16.5 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისადმი;

17. ხელშეკრულების შეწყვეტა

17.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

17.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ.

17.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

18. დაუძლეველი ძალა

18.1 მხარეები თავისუფლდებიან ხელშეკრულებით განსაზღვრული ვალდებულებების შესრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

18.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

18.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

19. სადაო საკითხების გადაწყვეტა

19.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

19.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

20. გამოყენებული სამართალი

20.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

21. გადასახადები და დაზევრა

21.1 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

22. ხელშეკრულების მოქმედების ვადა

22.1. წინამდებარე ხელშეკრულება მოქმედებს -----

22.2. ხელშეკრულება შედგენილია ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი მიმწოდებელთან და 1 (ერთი) პირი შემსყიდველთან.

23. მხარეთა რეკვიზიტები

შემსყიდველი:

მიმწოდებელი:

ააიპ "ქალაქ ქუთაისის ბაგა-ბაღების გაერთიანება" იურიდ.მისამართი: ქ.ქუთაისი რუსთაველის ქ.№1 საიდენტიფიკაციო ნომერი : 412675396 ტელეფონი 0(431) 25 37 00 ბანკი: ს/ს "ვითიბი ბანკი ჯორჯია" საბანკო ანგარიში:GE91VT0500000000643408	
დირექტორის მ/შ _____ ნანა ლორთქიფანიძე	

დამატებითი ინფორმაცია

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:
სატენდერო კომისიის თავჯდომარე – მაკა ნაცვლიშვილი
ტელ: 0(431) 25 37 01.

1. რეკვიზიტები:

ა) იურიდიული პირისთვის:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკის კოდი:

ანგარიშსწორების ანგარიში:

ბ) ფიზიკური პირისთვის:

ფიზიკური პირის პირადობის დამადასტურებელი დოკუმენტის ასლი

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკის კოდი:

საბანკო ანგარიშის ნომერი:

ფასების ცხრილი

პრეტენდენტის დასახელება _____

N	შესამოწმებელი ორგანიზაცია	მომსახურების დასახელება	ფასი (ლარი)	მიწოდების ვადა
	ააიპ „ქ.ქუთაისის ზაგა-ზაღების გაერთიანება“	ტექნიკური დავალების შესაბამისად		

ხელმოწერა _____